

er auff dem/ daß die zwey vnd drey auß dem eini-  
gen ding *per reductionem* zuwegen gebracht wer-  
den müssen: die vier aber seyen die vier Elementa/  
darauf die *materia lapidis* von Gott anfangs ge-  
schaffen/ vnd folgendts durch die Natur ferner fort-  
gepflanzt werde: vnd die fünffte seyen die *quinta*  
*Essentia* oder der *Lapis Philosophorum* selbstens/  
so vermittelst der Nacharbeit oder Coniunction  
auß den zweyen/nämlich Sulphure vñ Mercurio/  
das ist/ fixem vnd flüchtigem theil worden. Das  
aber Comes Trevisanus die Materiam vermittelst  
der Vorarbeit nur in zwey/ nämlich in Sulphur  
vnd Mercurium/ das ist/ in einen fixen vnd flüch-  
tigen theil/ Basilius aber hingegen die Materiam  
in alle drey Principia/nämlich in Sulphur/Sal  
vnd Mercurium reduciren heisset/ ist beedes vmb  
er vrsach willen bescheyen/ dieweil jener darmit  
anzeigen will/ daß in der Nacharbeit allein die  
zwey/nämlich Sulphur vnd Mercurius/ das ist/  
in fixes vnd flüchtiges/coniungiret werden: dieser  
aber/ daß der Geist oder der flüchtige theil/ den die  
Philosophi auch Mercurium nennen/ ohne vorge-  
hend Sal nicht mag zuwegen gebracht werden/  
arvon ich anders wo weiter reden will.

## CAPUT II.

**N**un wollen wir von der *materia Lapidis*  
fortfahren/ vnd ferner reden/ was dann das  
nige ding oder materia in specie für ein wesen sey/

W ij vnd